

eldri jarðabótum, að presturinn eða bú hans, ef hann flytur frá braudinu eða deyr áður en lánið er að fullu endurgoldið, borgi það af hinu óendurgoldna láni, sem reynast kann, 10. júlí 87
eptir reglulegri sköðunargjörð samkvæmt framansögðu, að vera óeytt, og að presturinn, ofannefndur sjera Arnór Þorláksson, afhendi stiptsyfirvöldunum til frekari tryggingar fyrir skilvísri endurborgun hins umrædda láns með vöxtum, lífsábyrgðarskírteini frá lífsábyrgðar og framfærslustofnuninni frá 1871, að upphæð 2000 kr., er stiptyfirvöldin svo annist um að haldið verði við með því að greiða iðgjaldið fyrir ábyrgðina í tæka tíð af tillagi því, sem Hestþingaprestakall nýtur úr landssjóði.

Þetta er hjer með þjónustusamlega tjáð stiptsyfirvöldunum til þóknanlegrar leiðbeiningar og frekari birtingar og ráðstöfunar.

Brjef landshöfðingja til sýslumannsins í Húnavatnssýslu um sýsluvegagjald og 88
hvernig því mægi verja. — Eptir að mjer hefur borizt þar að lútandi beiðni frá þingmönnum Húnavetninga ásamt skýrslu yðar um ástand og hag sýsluvegasjóðsins í Húnavatnssýslu, vil jeg hjer með eptir kringumstæðunum samþykkja, að afborgun og vextir af láni því, sem sýslan fjekk 1881 úr viðlagasjóði mestmegnis í þeim tilgangi að endurbæta veginn yfir Miðfjarðarháls og Hrutafjarðarháls, verði, þangað til lánið er fullgreitt, dregin frá þeim helmingi sýsluvegagjaldsins, sem samkvæmt brjefi mínu 8. maí f. á. á að ganga til aðalþóstvega. 15. júlí

Þetta tilkynnist yður hjer með, herra sýslumaður, til þóknanlegrar leiðbeiningar og ráðstöfunar.

Brjef landshöfðingja til stiptsyfirvaldanna um lán handa prestakalli til húsa- 89
byggingar. — Samkvæmt tillögum yðar, herra amtmaður og herra biskup, í þóknanlegu brjefi dags. 1. þ. m. og eptir beiðni prestsins að Reynivöllum í Kjós, sjera Þorkels Bjarnasonar, er hlutadeigandi prófastur hefur lagt meðmæli sín með, vil jeg hjer með veita leyfi til þess, að tjeður prestur taki lán handa nefndu prestakalli gegn veði í tekjum þess, að upphæð 970 krónur, til þess að bæta hýbýli á prestssetrinu og fullgjöra vandaða timburbadstofu, er sje byggð samkvæmt lýsingu þeirri, sem gefin er í skýrslu þriggja matsmanna, er brjefi yðar fylgdi; þó er lántökuleyfið bundið þessum skilyrðum:

1. að lánið sje að fullu endurborgað í síðasta lagi á 16 árum. með $\frac{1}{16}$ á ári auk vaxta;
2. að húsabótin sje gjör sama árið og presturinn fær lánið;
3. að húsið verði traust og vandað, með járnþaki, en á göflum varið þýzkum þakdúki;
4. að presturinn váttryggi húsið gegn eldsvoða með hæfilegri upphæð, og haldi því sífellt í slíkri tryggingu undir eptirliti prófasts;
5. að húsið verði eign prestakallsins og að presturinn haldi því vel við og að hann eða bú hans skili því á sínum tíma í gildu standi eða með fullu álagi.
6. að eigi verði meira en helmingur lánsins tekinn út áður en byggingunni er lokið, en hinn helmingurinn þá fyrst, er húsabótin er algjörð, og sannað er með lögmatrí

89 skoðunargjörð og virðingargjörð, að hún sje vel af hendi leyst í alla staði, og að
18. júlí verðmunurinn á hinum þannig umbættu húsum og húsum þeim, sem presturinn auk þessa á að skila af sjer, nemi að minnsta kosti lánsupphæðinni.

Þetta er stiptsyfirvöldunum hjer með þjónustusamlega tjáð til þóknanlegrar leiðbeiningar og frekari ráðstöfunar.

90 Brjef landshöfðingja til sýslumannsins í Suðurmúlasýslu um lögskráning
24. júlí vinnumannna skipseigenda. — Út af fyrirspurn yðar, herra sýslumaður, í þóknanlegu brjefi, dags. 16. f. m. um það, hvort einnig beri að nota viðskiptabækur farmanna og skigshafnarskrár, þar sem maðurinn, er skipið á, notar á það menn, sem eru ráðnir árs-
menn hjá honum, og skipið aðeins fer smáferðir milli fjarða, skal yður hjer með þjón-
ustusamlega tjáð, yður til leiðbeiningar, að með því að sú skylda, að láta lögskrá skips-
höfn, hvílir ekki á skipseiganda sem slíkum, heldur á hverjum þeim skipstjóra, sem
ræður menn á skip með sjer hjer á landi, og lögin aðeins fyrirskipa, að skipstjóri fái
skipverjum viðskiptabækur, þegar hann ræður þá á skip með sjer og gjörir við þá vist-
ráðasamning, þá leiðir af þessu, að ef skipseigandi notar *eingöngu* ráðna ársvinnumenn
sína til að fara með sjer smáferðir á skipi milli fjarða, svo að alls engin sjerstök vist-
ráð af hálfu skipstjóra fara fram til ferðanna, og engir sjerstakir samningar eru gjörðir
þar að lútandi, er veiti vinnumönnum rjettindi fram yfir hinn almenna vistersamning,
þá getur ekki komið til neinnar lögskráningar eða nein ástæða verið til að fá vinnu-
mönnum sjerstakar viðskiptabækur, enda geta þeir naumast talizt sjómenn eða far-
menn, þó að þeim meðal annara verka sje fengin slík vinna, sem að ofan ræðir um.

91 Brjef landshöfðingja til amtmannsins í norður- og austuramtinu um flutning
29. júlí á þingstað Vallahrepps. — Með þóknanlegu brjefi, dags. 2. maí þ. á., hafði þjer, herra
amtmaður, sent mjer beiðni hreppsnefndarinnar í Vallahreppi, ásamt ágrípsendurríti af
fundargjörðum sýslunefndarinnar í Eyjafjarðarsýslu 12. marz þ. á., þar sem farið er
fram á, að þingstaður hreppsins megi flytjast frá Völlum að Tungufelli, og að hreppur-
inn nefnist eptirleidis Svarfaðardalshreppur, þegar breytingin er komin í kring, og hafði
þjer lagt það til, að hið umbeðna leyfi verði veitt.

Út af þessu skal yður hjer með þjónustusamlega tjáð til þóknanlegrar leiðbein-
ingar og frekari birtingar, að jeg fellst á tillögu yðar í þessu efni, og ber hreppsnefnd-
inni að sjá um, að jafnan sje sémilegt hús til þinghaldanna á hinum nýja þingstað.

92 Brjef landshöfðingja til amtmannsins í norður- og austuramtinu um borgun
30. júlí fyrir uppboð á eptirlátnum munum sveitarómaga. — Þjer hafði, herra amtmaður, með
þóknanlegu brjefi, dags. 14. maí þ. á., sent mjer fyrirspurn hreppstjórans í Glæsibæjar-
hreppi um það, hvort hreppstjórar sjeu skyldir til að halda uppboð á eptirlátnum mun-
um sveitarómaga endurgjaldslaust, er sýslumaðurinn í Eyjafjarðarsýslu með skírskotun
til kancellibrjefs 14. desbr. 1841 hefur greitt jákvæði við, að því viðbættu, að hrepps-
nefndirnar sjálfar geti haldið uppboð þessi, og hafði þjer tekið fram, að eptir yðar álit